

Inunnut innarluutilinnut ulloq unnuuarlu najugaqar issatut neqeroorutit najugaqartut isaannit isigalugit

Kamilla Nørtoft
Bonnie Jensen
Sonja Sørensen
Else Jensen
Ivalu Olsen
Steven Arnfjord
Sofie Emma Rubin



INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT
NAJUGAQARTUT ISAANNIT ISIGALUGIT

**Inunnut innarluutilinnut ulloq unnuarlu najugaqarfissatut neqeroorutit najugaqartut isaannit
isigalugit**

Kamilla Nørtoft, Bonnie Jensen, Sonja Sørensen, Else Jensen,
Ivalu Olsen, Steven Arnfjord, Sofie Emma Rubin

Kalaallisuunngortitsisoq: Maybritt Lynge Rasmussen

Suliamik nalilersuisoq: Sigurd Lauridsen

Copyright © 2023
Statens Institut for Folkesundhed, SDU

Issuaaneq, tassunga ilanngullugit takussutissanik aamma tabelinik, pisinnaavoq
issuaaffigineqartup erseqqissumik nalunaarneratigut.

Elektroniskimik saqqummersitaq: ISBN 978-87-7899-628-2

Statens Institut for Folkesundhed
Studiestræde 6
1455 København K
www.sdu.dk/sif

Nalunaarusiaq uani aaneqarsinnaavoq www.sdu/sif

Siuleqtsiuussaq

Inuit annertuumik innarluutillit ukiut qulikkuutaat arlaqanngitsut matuma siorna Kalaallit Nunaanniit Danmarkiliartinneqartarput, tassani innarluutilinnut angerlarsimaffinni najugaqassallutik. Taamaalilluni inunnut innarluutilinnut ulloq unnuarlu najugaqarfissatut neqeroorutit Kalaallit Nunaanni nutaajukannerput.

Meeqqanut, Inuuusuttunut Ilaqutariinnullu Naalakkersuisoqarfiup suliakkiineratigut 2022-p naajartornerani suliassaqarfiup iluani suliamut attuumassuteqanngitsunit misissuinerit aallartinneqarput, ulloq unnuarlu najugaqarfissatut neqeroorutini atugassarititaasut nalinginnaasut, kinguaassiuutinut tunngasut aamma kinguaassiuutitigut innarliinissamik aamma kannguttaatsuliorfiginninnissamik pitsaliuineq, aamma ulloq unnuarlu najugaqarfissatut neqeroorutini najugaqartut isiginninnerat sammivilgalugit.

Nalunaarusiaq una najugaqarfissatut neqeroorutini assigiinngitsuni arfineq-marlunni najugaqartut isumaannik saqqummiussiffiuvvoq. Najugaqartut ulluinnarni inuunerminni suut imminnut pingaaruteqarnersut oqaluttuarivaat: suut suliarissallugit nuannarinerlugu, suut aalajangeeqataaffigisarnerlugit, ilaqtatik qanigisatik qanoq atassuteqarfigisarnerlugit, aamma kinguaassiuutinut tunngasutigut inuuneqarnissaminnik, aamma namminneq timiminnut tunngatillugu killiliinissaminnut qanoq periarfissaqarnerlutik.

"Inunnut innarluutilinnut najugaqarfissatut neqeroorutit najugaqartut isaannit isigalugit" Innuttaasut Peqqissusiannik Ilisimatusarfimmit aamma Ilisimatusarfimmi Issittumi Atugarissaarneq pillugu Ilisimatusarfimmit saqqummiussinnaagatsigu tulluusimaarutigivarput. Nalunaarusiaq najugaqartut oqartussaaqataanerannut, sammisassanut aamma kinguaassiuutinut tunngasutigut pisinnaatitaaffinnut aamma ilitsorsorneqarnermut tunngasunik inassuteqaatinik saqqummiussiffiuvvoq.

Misissuinermut tapertaasunut tamanut qujanaq.

Atuarluarina,

Christina Viskum Larsen
Ilisimatusarnermut aqutsisoq,
Innuttaasut Peqqissusiannik Ilisimatusarfik

Steven Arnfjord
Centerimi aqutsisoq,
Ilisimatusarfimmi Issittumi Atugarissaarneq pillugu Ilisimatusarfik

Imarisai

Misissuinerup inernerinik eqikkaaneq	5
1 Aallaqqaasiut	7
Tunuliaqutaasoq.....	7
Nalunaarusiornermi siunertaasoq.....	7
Pisut Naalagaaffiit Peqatigiit inuit innarluutillit pillugit isumaqatigiissutaata Kalaallit Nunaanni atuutsinneqarneranut attuumassuteqartut	7
Inunnut innarluutilinnut atugassiissutaasut	8
Nunap inoquaavi inuttullu innarluuteqarneq.....	8
Inuit annertuumik innarluutillit pillugit naatsorsueqqissaarnermi kisitsisit	9
Inunnut innarluutilinnut ulloq unnuarlu neqeroorutit	9
Periuseq.....	10
2 Inuunerup naleqassusaa	12
Ullugissaarneq.....	12
Nammineq aalajangersinnaaneq	14
Oqaloqatissaqarneq	15
Ineqarnikkut periarfissat	15
3 Attaveqatigiinnermut tunngasut	16
Najugaqartup sulisullu akornanni sunniivigeqatigiinneq	16
Najugaqartut akornanni sunniivigeqatigiinneq	18
Qanigisaasunut attaveqarneq.....	18
4 Pissutsit kinguaassiuutitigut pissusilersornermut kinguaassiuutitigullu pisinnaatitaaffinnut tunngasut	21
Nammineq timimut tunngatillugu pisinnaatitaffiit killissallu pillugit ilisimasat	21
Najugaqartut pisariaqartitatik pillugit qanoq oqarpat?	23
Innarlerneqarnertut misigisat	24
Allat innarlerneqarsimmasinnaanerannik misigisat	24
Innersuussutit	26
Najoqqutarisat.....	27

Misissuinerup innereriniq eqikkaaneq

Nalunaarusiaq inunnut innarluutilinnut ulloq unnuarlu najugaqarfissatut neqeroorutini najugaqarnerup najugaqartunit isigalugu qanoq inneranut tunngassuteqarpoq. Nalunaarusiaq ulloq unnuarlu najugaqarfissatut neqeroorutini Namminersorlutik Oqartussanit pigineqartuni assigiinngitsuni tallimani najugaqartunik 16-inik apersuilluni misissuinermit tunngaveqarpoq. Ulloq unnuarlu najugaqarfissatut neqeroorutini sullinneqartut assigiinngimmata misissuinermi matumani aporsorneqartut paasinnissinnaassutsimikkut timimikkullu, aamma piginnaassutsimikkut assigiinngitsunik piginnaaneqarput. Najugaqartut peqataasut, 19-it 68-illu akornanni ukioqarput.

Inuunerup naleqassusaa

Najugaqartut inuunerisa naleqassusaa paasiniarlugu, ullugissaarneq taakkununnga qanoq ittuunersoq imal. sulerinissaq nuannarineraat, aperineqarput. Apeqqtutip taassuma qanoq akiuminartiginera najugaqartumiit najugaqartumut assigiinngilaq. Akissutit ilaatigut makkuupput: Nivanneq, assasorneq, sullivimmi nakkutigisamiinneq, sulisunik peqateqarneq assigisaallu. Najugaqartut, suut namminneq aalajangersinnaaneraat apeqqtigineqarportaaq. Najugaqartut aporsorneqartut tamarmik ullormut sunik atisinissartik namminneq aalajangertarpaat. Amerlanerit sammisassanut suliassanullu tunngatillugu aalajangeeqaataasarnertik oqaatigaat, najugaqartulli ulloq unnuarlu najugaqarfissatut neqeroorummi nerisarisaminnut tunngatillugu aalajangeeqataasinjaasutut misigerat allanngorarluni. Apersuinerni najugaqartut tamarmik ulluinnarni oqaloqatissaqartarnersut aperineqarput. Najugaqartut arlallit qanoq akinissartik nalornivaat. Sulisunik arlalinnik oqaloqateqarsinnaanerarput. Arlaqanngitsut najugaqartunik allanik oqaloqateqarsinnaanerarput.

Attaveqatigiinnermut tunngasut

Ulloq unnuarlu najugaqarfissatut neqeroorutini amerlanerni sulisut najugaqartullu akornanni misigisaq iluarpoq kissalaarlunilu. Misissuinerup nalaani maluginiaanermi, sulisut najugaqartut pisariaqartitaannut najugaqartullu assigiinngitsut qanoq attaveqarnissamik pisariaqartitsinerannik eqquumaffiginninnerat takuneqarpoq. Apersuinerni najugaqartunut allanut qanoq atassuteqarneq najugaqartunit ikittuinnarnit oqaatigineqarpoq. Amerlanerit najugaqartunut allanut attaveqarnertik pillugu aperineqaraangamik oqaaseqartanngillat imal. qanoq akissallugu nalusrallugu. Amerlanertigut sulisut najugaqartut akornanni attaveqaataasarput, sulisullu tassaaapput ataatsimoornermit attassisut aamma ulloq unnuarlu najugaqarfissatut neqeroorummi ataatsimoornerit annertunersaannut toqqammavissiisut. Qanigisanut attaveqarnermut tunngatillugu, najugaqartut qanigisaasut ulloq unnuarlu najugaqarfissatut neqeroorummit qanoq attavigineqartarerat ilisimaneraat, namminnerlu qanigisaminnut attaveqarnersut aperineqarput. Najugaqartut ulloq unnuarlu najugaqarfissatut neqeroorut, najugarisaq suunersoq apeqquaatinngagu, qanigisaminnut attaveqarnerat assigiinngeqaaq. Najugaqartup qanigisaasullu akornanni attaveqatigiinneq illoqarfeqatigiinni nalinginnaasumik annertuneruvoq, najugaqartunili

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

qanigisaasunilu illoqarfeqatigiinngitsuni, attaveqatigiinnermut tunngatillugu, annertunerusumik annikinnerusumillu immikkooruteqarportaaq. Nammineq sulisunit ikiorneqarlutik piffissami isumaqatigiissutaasumi sianerlutik ilaqtaminnut aatsaat attaveqartarnertik, najugaqartut arlallit oqaluttuaraat. Nalinginnaasumik ilaqtaminnut attaveqarnerorusupput.

Kinguaassiuutinut tunngasut

Kinguaassiuutitigut pissusilersornerup timip pisinnaatitaffillu oqaluuserinissaat, najugaqartut arlallit ajornakusoortippaat timimillu allanit qanoq iliorfigineqarsinnaanera imal. iliorfigineqarsinnaannginnersa ilisimasaqarfivallaarnagu. Taamaattoq kissaatiginngisamik attuuaneqarnerup qanoq itigartinnissaa ilisimagitsik, itigartitsinertillu ataqqineqartutut misigisaritsik oqaatigaat. Najugaqartut ikittut misissuineq iluatsillugu, siornatigut sulisunut kissaateqarnertillu oqaatigaat. Najugaqartut ataasiakkaat kinguaassiuutitigut innarligaaneq misigisimavaat.

1 Aallaqqaasiut

Tunuliaqutaasoq

Nunarsuaq tamakkerlugu inuit 650 mio. inuttut innarluuteqarput. Inuit innarluutillit sumiiffinni amerlasuuni nunarsuarmi piitsuunerpaat akornanniippuit, sanngiiffeqarlutik tunngaviusumillu inuttut pisinnaatitaaffii eqquutsinneqaratik (Handicap. Status., 2012). Ajornartorsiuq taanna, nunatsinni inunni innarluutilinni ikinnerussutilittut arajutsisani, aamma atuuppoq (Arnfjord et al., 2020). Nunatsinni pisariaqartitat naammassineqarsinnaanngimmata, ukiut ingerlanerini inuit assigiinngitsunik innarluutillit eqqortumik tapersersoneqarsinnaaqqullugit ikiorneqarsinnaaqqullugillu nunatsinniit Danmarkimut nuutinneqartarpuit (Knigge & Grønbæk, 2008), ukiulli qulikkaat kingullit ingerlanerini allanngortoqarneragut, inuit innarluutillit arlallit nammineq nunaminniinnissamut periarfissaqalerma, nunatsinni inuiaqatigiinni inunniq innarluutilinnik illoqarfimmi takussaasoqalernera nutaaajungaatsiarpoq. (Arnfjord et al., 2020).

Nalunaarusiornermi siunertaasoq

Inuunermi atugassarititaasut pillugit misissuinerni, inuit innarluutillit annertunerusumik imminnut oqaluttuarisarnerat qaqutigoortuuvoq. Nunatsinni ulloq unnuarlu najugaqarfissatut neqeroorutini inunnut innarluutilinnut najugaqarfinni taamaattuni najugaqarnerup qanoq inneranut tunngatillugu oqaaseqarnissaat, nalunaarusiornermi matumanit siunertaavoq. Taamaammat ulloq unnuarlu najugaqarfissatut neqeroorutini pissutsit nalinginnaasut pillugit misissuinermut (Rubin et al. 2023) aamma ulloq unnuarlu najugaqarfissatut neqeroorutini kinguaassiuutitigut pissusilersonermut kinguaassiuutitigullu pisinnaatitaaffinnut tunngatillugu pissutsit pillugit misissuinermut atatillugu (Nørtoft et al. 2023), najugaqartut namminneq oqaaseqarnissaannut periarfissillugit misissuineq ingerlanneqarpoq. Nalunaarusiaq pingaarnertut misissuinerup inernerinik pingasunik sammisaqarpoq. Sammisat tassaapput inuunerup naleqassusaa, attaveqatigiinnermut tunngasut kiisalu kinguaassiuutitigut pissusilersonermut kinguaassiuutitigullu pisinnaatitaaffinnut tunngasut.

Pisut Naalagaaffiit Peqatigiit inuit innarluutillit pillugit isumaqatigiissutaata Kalaallit Nunaanni atuutsinneqarneranut attuumassuteqartut

Inuit innarluutillit pillugit isumaqatigiissut 2012-imni nunatsinnit akuerineqarmat, inuit innarluutillit allatulli pisinnaatitaaffeqarnissaat inuillu innarluutillit sapinngisamik namminersorlutik inuuusinnaanissaasa sulissutiginissaa, nunatta pisussaaffigilerpaa (Naalakkersuisut, 2022). Inuit innarluutillit pillugit isumaqatigiissutip atuutilersinneqarnera, inunnut innarluutilinnut tunngatillugu, inuit innarluutilittut isigineqarunnaarlutik, akerlianilli inuit innarluutillit inuiaqatigiinni avatangiisaasuni akimmiffinnik naapitsinerattut isigineqarnissannik, paasinnittariaatsimik allanguinermik malitseqarpoq. Inuttut innarluuteqarneq nammineq ajornartorsiutaajunnaarluni tassaalerpoq avatangiisiinik naapitsinerup nassatarisaanik killiliinerit (Naalakkersuisut, 2021).

Inuit innarluutillit pillugit isumaqatigiissut naapertorlugu inuit innarluutillit tassaapput:

"Inuit sivisuumik timikkut, tarnikkut silassorissutsikkut imal. malussarsinnaassutsikkut piginnaanikitsut, akimmiffissat assigiinngitsut sunnivigeqatigiinneranni, inuttut allatulli tamakkiisumik kinguneqarluartumillu inuiaqatigiittut inuunermi peqataanissamut akornuserneqarsinnaasut".
(Handicap. Status., 2012)

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

Nunatsinni inuit innarluutillit pillugit isumaqatigiissummik suliaqarneq amerlasuunik annertuunillu, ilaatigut tassaasunik; nunap pissusaa, angallannermut tunngasut inuillu innarluutillit ilaqtutatik illoqarfitsillu qimallugit ulloq unnuarlu najugaqarfissatut neqeroorutinut nuunneqartarnerat, unammilligassartaqarpoq. Ilinniarsimasunik sulisussarsiniarnerup ajornakusoornera pisortallu ingerlatsiviini aaqqissuussaannikkut unammilligassat isumaqatigiissutip eqquutsissinnaanissaanut paasilertorumaannerulersitsinerat, tamatumunnga atatillugu oqaatigineqassaaq. Inuit innarluutillit peqatigiiffiillu taakkununnga sinniisuusut, politikklinik inatsisinillu, inuit innarluutillit pillugit isumaqatigiissutip atuutsinnissaanut peqataatisisunik inerisaanermi ingerlatsinermilu qanoq peqataatinneqarsinnaanerannut arlalinnik toqqammavissiinissaq, Kalaallit Nunaanni Inuit Pisinnaatitaffii pillugit Siunnersuisoqatigii, Inuttut Pisinnaatitaaffinnut Instituttip kiisalu Meeqyanut, Inuuusuttunut Ilaqtariinnullu Naalakkersuisoqarfiup suleqatigiissutigaat. Tamatumunnga atatillugu suleqatigiit toqqammavissat taakku qanoq piviusunngortinnejarsinnaanerannut tigussaasunik innersuussuteqarput (Frandsen, 2022).

2018-imi novembari qaammat, nunatsinni nuna tamakkerlugu inunnut innarluutillinnut suliniaqatigiiffiit kattuffittut ataatsimoorfiat siulleq- NIIK (Nunatsinni Inuit Innarluutillit Kattuffiat) pilersinneqarpoq. NIIK, KNIPK-imut Kalaallit Nunaanni kattuffimmut nunatta Kitaani Kujataanilu assiginngitsunik qulaaluanik immikkoortortalimmum 1981-imi pilersinneqartumut ilassutaavoq (Frandsen, 2022). NIIK-imi nuna tamakkerlugu kattuffiit ilaasortaasut, inuunnguuseralugu imal. kingorna sivisuumik timikkut, tarnikkut, silassorissutsikkut, paasinnissinnaassutsikkut imal. malussarsinnaassutsikkut piginnaanikillinerup kingunerinik pitsaaluiuermik, suujunnaarsitsinermik, killiliiniarnermik imal. ikorsiiniarnermik suliaqartut soqutigisaannik isumaginninnissaq ilaatigut siunertaavoq (Niik., 2018).

Inunnut innarluutillinnut atugassiissutaasut

2019-imi agustip ulluisa qulinganniit 23-iannut, inuit innarluutillit illersuisuat sulisullu marluk Tiliumeersut inunnut innarluutillinnut atugassarititaasut naliliiviginiarlugit, Kommune Kujallermut paasiniaallutik angalapput (Tilioq, 2019). Innarluutillit illersuisuat politikkikkut arlaannaannulluunniit attuumassuteqanngilaq, killilagaananilu pissutsit innarluutillit illersuisuannut tunngasut pillugit oqaaseqarsinnaatitaalluni (Frandsen, 2022). Angalanermi pisinnaatitaaffiit inatsisillu pillugit ilisimasatigut annertuumik amigaateqarneq, amerlasuullu inuiaqatigiinni atugarissaartuni naatsorsuutigisanut naapertuutinngitsumik inuusut paasinarsivoq. Taamaalilluni Kommune Kujallermi inuit innarluutillit pillugit isumaqatigiissummi artikelite arlalit eqquutsinnissaanut tunngatillugu unammilligassaqartoq, inerniliisoqarsinnaanngorpoq. Artikelite pineqartut, periarfissinneqannginnermut tamanillu angallassinernut aaqqissuussinernut tunngassuteqarmata, kiserliornermik inoqatinullu akliuttannginnermik nassataqarput; sulianik ingerlatsineq kommuninilu aaqqissuussaaneq, kommunit kattussuunnerisa kingorna paassiuminaatsitsineq; sulisussarsiniarnerup aalaakkaasunillu sulisoqarniarnerup unammillernarnerat pissutigalugu tapersorsorneqarnissap sulisullu amigaatigineqarnerat; paaqqinniffinni najugaqarfissatullu neqeroorutini inuit innarluutillit kukkusumik inissinnejarsimanagerat, kommunini najugaqarfissatut neqeroorutit illutaat nungullarsimasut siunertamullu naleqqtinngitsut, meeqyanik immikkut pisariaqartitsisunik ilinniartitsineq, suliffeqarneq akulerutinnejarnarlu (Tilioq, 2019).

Nunap inoqqaavi inuttullu innarluuteqarneq

Nunap inoqqaavisa allanut sanilliullugit innarluuteqarnissaat imal. peqqiiliuuteqarnerunissaat nalinginnaasumik ilimanarneruvoq. Australiami nunap inoqqaavisa nunami inoqqaajunngitsunut sanilliullugit innarluuteqarnissaat imal. sivisuumik peqqiiliuuteqarnissaat 1,5-eriaammik

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

ilimanaateqarneruvoq (Australian Health Ministers' Advisory Council, 2017). Canadami nunap inoqqaavini meeqqat, innuttaasut amerlanerussuteqartut meerartaannut sanilliullugit, timikkut innarluuteqarnissaat pingasoriaammik ilimanaateqarneruvoq (Cunningham & Sena, 2013), USA-milu nalinginnaasumik innuttaasunut innarluutilinnut 19%- inut sanilliullugit, indianerit Alaskamilu nunap inoqqaavisa 24%-ii innarluuteqarpot (United States Census Bureau, 2010). Norgimi innuttaasunut nalinginnaasunut tarnikkut innarluuteqartunut sanilliullugit, saamit tarnimikkut innarluuteqartut eqqarsartaatsimikkut peqqiillornerunerat aamma takussaavoq (Gjertsen, 2019).

Nunap inoqqaavi innarluuteqartut, inuaqatigiinni immikkoortitsinerit assigiinngitsut akimmiffissallu kinaassutsimik innarluuteqarnermillu tunngaveqartut, misigisarpaat. Ilaatigut ammip qalipaataa, suaassuseq, oqaatsit, upperisaq, inuaassuseq, sumi inunngorsimaneq, ukiut, politikkikkut isummat il.il. tunngavigalugit immikkoortitsisoqartarpoq, amerlasutigullu aamma ilinniartitaanissamut, suliffeqarnissamut, peqqinnisakkut sullinnejqarsinnaanermut – tamatumunngalu atatillugu iluaquersuutinut/atortorissaarutinut piginnaangorsaqqinnissamullu, nerisassanut atisassanullu periarfissaqannginnermik imal. killilimmik periarfissaqarneranik ilaqtararluni. Taama kiffartuunneqarnissap amigaataanera sulisussanik amigaateqarnermik aamma/imal. periarfissaqannginnermik imal. killilimmik periarfissaqarnermik patsiseqarajuppoq, nunallu inoqqaavisa najugaannut ungassisummiissinnaasarluni. Kiffartuussinernik naapertuuttunik amigaateqarneq, nunap inoqqaavinik innarluuteqartunik, ilaqtatt, kulturi ileqqut inuaqatigiillu qimallugit sullissivinnut inissiisoqartseqataasinnaavortaaq. Tamatuma saniatigut niviarsiaqqat arnallu inuttut innarluuteqartut, niviarsiaqqanut arnanullu innarluuteqanngitsunut sanilliullugit nakuuserfigineqarsinnaanerat kinguaassiuutigullu nakuuserfigineqarsinnaanerat annertuneruvoq (United Nations, 2012)

Inuit annertuumik innarluutilillit pillugit naatsorsueqqissaarnermi kisitsisit
2018-imiit 2019-imut, Kalaallit Nunaanni innuttaasut katillugit 1132-it inunnut annertuumik innarluutilinnut ikorsiisarneq pillugu inatsisartut peqqussutaat naapertorlugu ikorsiissutinik pisartagaqartuupput, taakkuningga 62,46% (n=707) angutaallutik 37,54%-illu (n=425) arnaallutik. Kalaallit Nunaanni angutit amerlanerunerat, suaassuseq tunngavigalugu agguataarsimanerup assigiinngissuteqarneranut nassuaatissat ilagisinnaavaat (Naalakkersuisut., 2020). Nalinginnaasumik innuttaasunut sanilliullugit annertuumik innarluutilittut nalunaarsimasut 0-17-inut ukiulinni ikinnerpaapput, tamannalu innarluutigisap suli ilisimaneqannginneranik taamaammallu suussusersineqarsimannginneranik patsiseqarsinnaavoq. 18-init 30-inut ukiulinni innuttaasut annertuumik innerluuteqartut amerlanerpaapput, tamanna innarluutip suussusersineqarsimaneranik patsiseqarsinnaavoq. Innuttaasuni 70-it sinnerlugit ukiulinni annertuumik innarluutilittut nalunaarsimasut ikittuinnaapput, tamanna inunnut annertuumik innarluutilinnut ikorsiisarneq pillugu inatsisartut peqqussutaata, inunnut utoqqalinersisalersimanngitsunut atuunneranik patsiseqarpoq (Naalakkersuisut., 2020). Patsisaasoq alla tassaasinnaavoq inuit annertuumik innarluutilillit qaqtiguinnaq innuttaasutut amerlanerussuteqartutut inuunertutigisinnaasarnerat.

Inunnut innarluutilinnut ulloq unnuarlu neqeroorutit
Nuna tamakkerlugu inunnut innarluutilinnut ulloq unnuarlu neqeroorutit arfineq marluupput. Taakkulu illoqarfinni makkunaniillutik: Nuuk, Paamiut, Sisimiut, Maniitsoq, Ilulissat aamma Qaqortoq. Taakku saniatigut meeqqanut inuuusuttunullu ulloq unnuarlu najugaqarfissatut neqeroorutinut pingasunut Tasiilami, Uummanni Nuummilu innarluutilinnut immikkoortortaqarpoq. Sullissivinni assigiinngitsuni sullitassatut saaffigineqartut assigiinngillat – ass. Sisimiuni Gertrud Rask Minde meeqqanik inuuusuttunillu arlalinnik innarluutilinnik, ADHD-mik

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

nappaatilinnik aamma ineriertornikkut akornutilinnik (autisme) sullitaqarpoq, Nuummilu sungiusarfik Aaqami inuuusuttut utoqqasaallu skizofreni-mik tamatumunngalu assingusunik nappaatillit najugaqarput. Nuna tamakkerlugu ulloq unnuarlu najugaqarfissatut neqeroorutini arfineq marluusuni immikkoortortallu ilanngulligit 2022-imi inissat katillugit 142-iipput taakkunanngalu 125-it atorneqarlutik (Naalakkersuisut, 2023).

Ulloq unnuarlu najugaqarfissatut neqeroorutit tamarmik paasissutissanik assigiinngitsunik, sullitat, unammilligassat, perorsaanermi periutsit sammisat il.il. imalimmik Naalakkersuisunut ukiumoortumik nalunaarusiortartussaapput. Ukiumoortumik nalunaarusiammi Kingullermi 2022-imeersumi, ulloq unnuarlu najugaqarfissatut neqeroorutini sulisunik ilinniarsimasunik amigaateqarneq nalinginnaasumik unammilligassaaavoq. Tamatuma saniatigut najugaqartut, inissinneqarnissap pingaarnertut tunngaviusup saniatigut, pissusilersornikkut, tarnikkut inuttullu inooqataanikkut ajornartorsiutillit amerliartorput. Tamanna piginnaasatigut sulisunut piumasaqaatitaqarpoq. Ulloq unnuarlu paaqqinniffiit taamatullu ulloq unnuarlu neqeroorutit kommuninik suleqateqarnerat unammilligassartaqarpoq. Tamanna ilaatigut ulloq unnuarlu paaqqinniffiit arlalippassuariarlutik iliuusissatut pilersaarutinik piffissaq eqqorlugu pissarsisannginnerannik, kommunimullu saaffiginnissutit akineqartannginnerisa misigineqartarneranik kinguneqarpoq (Naalakkersuisut, 2023).

Ukiumoortumik nalunaarusiaq kingulleq, ulloq unnuarlu paaqqinniffiit arlallit pissaanermik atuineq pillugu nalunaaruteqartannginnerat meeqqanullu ulloq unnuarlu paaqqinniffiinut inissinneqarsimasunut angajoqqaat tamatuminnga ilisimatinneqarajunnginnerannik, taamaalillutillu pissaanermik atuinerup maalaarutiginissaanut periarfissaqartannginnerannik oqaluttuarportaaq (Naalakkersuisut, 2023).

Periuseq

Nalunaarusiaq una Kalaallit Nunaat tamakkerlugu inunnut innarluutilinnut najugaqarfissatut neqeroorutini najuulluni sulinermiit paasissutissanik tunngaveqarpoq. Paasissutissat Ilulissani, Sisimiuni, Maniitsumi, Nuummi, Paamiuni Tasiilamilu ulloq unnuarlu najugaqarfissatut neqeroorutini arfineq marlunni najugaqartunik 16-inik apersuinernik ammasunik, kiisalu ulloq unnuarlu najugaqarfissatut neqeroorutini taakkunani arfineq marlunni nakkutiliinernit tunngaveqarput¹. Najugaqartut apersorneqartut 17-it 62-illu akornanni ukioqarput. Najugaqartut apersorneqartut akornanni suaassutsikkut angutinut arfineq pingasunut arnanullu arfineq pingasunut agguataarsimapput. Arnap ataatsip angutillu marluk apeqqutit ima paasiuminaatsitsigalugillu akiuminaatsitigimmatigik, apersuinerit misissuinermi ilanngunneqanngillat. Taamaattoq taakku pingasut tamarmik misissuinermut apersorneqarusunnermikkut periarfissinneqarmata, ilanngulligit oqaatigaagut. Najugaqartut allat marluk apersuinermi peqataanissamut akuersippit. Taakkuli piffissaq apersuiffissatut isumaqtigisiuttaasoq sioqqullugu peqataajumajunnaarput. Najugaqartut misissuinermi peqataasut assigiinngitsunik innarluuteqarput – ilaat paasinissinnaassutsikkut aamma/imal. timikkut, allanit unammilligassaqarnerullutik. Najugaqartut peqataasut kinaassusaannik isertuussinissaq eqqarsaatigalugu, innarluutaat imal. ulloq unnuarlu najugaqarfissatut neqeroorutit arlaanni sorlermi najugaqarnerat, kikkuunerallu annertunerusumik nassuaatigissangnilagut.

¹ Qaqortumi ulloq unnuarlu najugaqarfissatut neqeroorummut lvaqqamut tikeraarnissaq aamma pilersaarutaagaluqaq, marsimi juunimilu ilisimatusartut angalaniarneraluat sila pissutaalluni akornuserneqarpoq.

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

Apersuinerit, najugaqartut ataasiakkaat toqqagaat naapertorlugu, danskisut imal. kalaallisut ingerlanneqarput. Apersorneqarnerup nalaani najugaqarfimmi sulisumik peqataasoqarnissaa peqataasoqannginnissaaluunniit najugaqartup nammineq toqqarpaattaaq. Najugaqartut amerlanerpaartaasa sulisumik peqataasoqarnissaa toqqarpaat. Apersuinerit ilaanni sulisoq oqaaseqanngilaq, allanili apersorneqartup eqqaamanngisaanut assigiinngitsunik eqqaasitsilluni najugaqartumut ikuulluni.

Najugaqarfinni assigiinngitsuni sulisut aqutsisullu, najugaqartunik oqalussinnaasunik apersorneqarsinnaasunillu toqqaaqataapput. Apersuinermi peqataaneq nammineq piumassutsimik tunngaveqarpoq najugaqartullu apersorneqartut tamarmik apeqqutit suunerannik akissutillu sumut atorneqarnissaannik nassuaanneqarlutik. Tamatuma peqatigisaanik, apeqqutit akissallugit soqutigisamik kisiisa akissuteqarfiginissaannik ilisimatinneqarput, apersorneqartullu arlallit apersuinerup nalaani apeqqutit aalajangersimasut qaangiinnarsinnaanerannut pisinnaatitaaffitsik atorpaat. Tamarmik akuersisummik atsiugaqarput.

Apersorneqartut ilaat sulisut naatsorsuutigisaanniit oqaaseqannginnerupput. Apersorneqarnerup sungiusimannginneranik eqqumiitsutullu misinnarneranik patsiseqarnissaa ilimanarpooq.

Apersorneqartut allat peqataanermanni siunnerfeqarnerupput ilaallu apersorneqarnertik iluatsillugu aalajangersimasumik oqaluttuassaqaqrutik. Najugaqartut tamarmik pilersaarutaasutut apersorneqareernerminni allamik oqaluttuassaqaqnersut aperineqarput. Amerlanerit oqaluttuassaqaqanngillat, ataasiakkaalli oqaluttuassaqaqrutik.

Nalunaarusiami issuaanerit atuaruminarsarlutit aaqqissugaapput, tamatumalu peqatigisaanik najugaqartup pineqartup apersuinermi oqaatiginneriaasaanik takutitsillutik.

Apersuinerit tamarmik allanneqarput, kalaallisullu apersuinerit danskisuunngortinneqarlutik. Tamatuma kingorna apersuinerit tamarmik sammisanut assigiinngitsunut aaqqissuunneqarput.

Apersuinermi paasisat nalunaarusiami ulloq unnuarlu najugaqarfissatut neqeroorutinit arfineq marlunniit misissuinermit paassisutissanik ilaneqarput. Ilisimatusartut ulloq unnuarlu najugaqarfissatut neqeroorutini ullup ingerlanerani piffissani assigiinngitsuni misissuinerineersuupput. Ilisimatusartut nalinginnaasumik illumi ass. silaannarissuseq, init aaqqissuunneqarnerat, atortorissarutit paassisutissallu ersiinnartumiittut ukkappaat. Ilisimatusartut misissuisut, tamatuma saniatigut, sulisut najugaqartullu akornanni, sulisut akornanni najugaqartullu akornanni, sunnivigeqatigiinneq maluginiarpaat. Misissuinerup nalaani susoqarpiarnera apeqquaalluni, sapinngisamik nalunaarsuisoqarpoq. Assersuutigalugu najugaqartup nerrivilornerani sulisullu igaffimmi ammaannartumi nerisassiornerani nalunaarsuisoqarsinnaavoq. Najugaqartut ass. iniminnik ilisimatusartumut takutitsinerisa nalaani nalunaarsuisoqarsinnaanngilaq. Misissuinerup nalaani nalunaarsuisoqarsinnaanngikkaangat, periarfissaq siulleq atorlugu nalunaarsuisoqartarpooq.

2 Inuunerup naleqassusaa

Ullugissaarneq

Najugaqartup inuunerata naleqassusaa paasiniarlugu, ullugissaarnerup taakkununnga qanoq ittuunera apeqqutigaarpuit. Apeqqutip taassuma akinissaata qanoq ajornanngitsiginera najugaqartumiit najugaqartumut nikerapoq.

Najugaqartut akiuminaatsitsigaangata, sulerineq nuannarineraat aperineqarajupput. Ilaasa taanna akiuminartippaat, allali apersuisumit assigiinngitsunik assersuusiorfigineqartarlutik, ilaallu sammissallugit nuannarisaaannik eqqaasinniarlugit, sulisunit ikiorneqarlutik.

Najugaqartup ataatsip nivanneq nuannaraa. Najugaqartup allap assorsorneq, nuersaaneq, sapangaaqqerineq kiisalu sullivimmi nakkutigisamiinneq nuannarai. Najugaqartut pingajuata ulloq unnuarlu najugaqarfissatut neqeroorummi sulisumik ilaqtarnissi nuannaraa. Najugaqartut sisamaata iniminiinnissaq internetsernissarlu nuannarai. Najugaqartut tallimaata assorsorneq nuannaraa nuersakkanilu nittarterlugu.

Najugaqartoq ataaseq apersuinermi oqaaseqarnerusut ilaat ima oqaluttuarpoq:

Najugaqartoq: *Ullugissaarfimm... tamatigut ajorneq ajorpunga. Taava ajortoqarpallaartanngilaq, nuannaanngissutissaqarpiartaranilu.*

Apersuisoq: *Sulerinissaq nuannaraajuk?*

Najugaqartoq: *Sungiusartuarpunga. Minihallimi. Illup iluani sungiusarneq. Nukkassarneq. Ujakkaaruserlunga sungiusartarpunga. Arctic Circle Race-imipqataanikuuvunga. Ulluni pingasuni 160 km-it ingerlavakka. 2011-imiaallartippunga. Tamatum kingorna ujakkaaruserlunga angalaartarpunga. Taamaammat amerlasuunik medaliannannikuuvunga. GM-imut aammailaanikuuvunga. Maani immaqa 2022-imii Nuummilu 2023-imii. GM siulleq Maniitsumi, aappassaat Aasianni maanilu Nuummi.*

Apersuisoq: *Aasaanerani sisorarsinnaannginninni sulerinissat nuannaraajuk?*

Najugaqartoq: *Arpanneq, cyklerneq qaqqamiinnerlu/asimiinnerlu.*

Najugaqartup allap nipilersorneq nuannarisaraa imalu oqaluttuarluni:

Apersuisoq: *Ulluigissaarneq ilinnut qanoq ippa? Sulerinissat nuannaraajuk?*

Najugaqartoq: *Ininni nipilersuuteqarpunga. Guitari tumerparpaallu.*

Nipilersqatissannik amigaateqapunga.

Apersuisoq: *Suut nipilersussallugit nuannaraagit?*

Najugaqartoq: *Assigiinngillat. (Illoqarfiup aqqa, red.) najugaqarallarama, Enok Poulsen nipilersqatigisarpa. Uparuarneqarama sullivimmi guitarissaarpunga.*

Apersuisoq: *Inimi ataatsimoorfiusartumi maani guitarertarpit?*

Najugaqartoq: *Ilaannikkut. Guitari imal. supputaasaq/nutsugiaq.*

Najugaqartumut ilaqtanik maqaasisaqarneq ima initutigaaq ulluinnarni sunik nuannarisaqarnermut isummernissaq ajornakusoorluni:

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

Apersuisoq: *Sullivimmi sulineq nuannaraajuk?*

Najugaqartoq: *Tassaniittarneq taamaatikkusuppara. Anaanaga tikeraaraangat, angerlarnissannut bilitseqqusarpala. Ilaquttat amigaatigaakka.*

Ulloq unnuarlu najugaqarfissatut neqeroorummi, illumi suliassanik nuannarisaqarnini iffiorfimmilu sulinini, najugaqartup ataatsip oqaluttuarai:

Apersuisoq: *Ullugissaarneq ilinnut qanoq ippa? Sulerinissaq nunarajuk?*

Najugaqartoq: *Iffiorfimmilu sulineq. Innni eqqiaaneq erruinerlu. Aamma nerisassiorpugut.*

Najugaqartup ataatsip suna nuannarineraa aperineqartup, nunaqarfiup najugarisimasami nuanneqtai ilaqtallu tassani najugaqartut ingerlaannaq oqaluuserilerpai. Najugaqartup ukiumut arlaleriarluni nunaqarfimmi ilaqtaminut feertiartarnera, sulisup oqaluttuaraa. Najugaqartup qungujulalluni nuannaarpaluttumillu nipinilluni nunaqarfik pillugu erinarsuutinnguaq appippaa. Ulloq unnuarlu najugaqarfissatut neqeroorummi najugaqarnerup pitsaaqutitai pillugit immikkut apeqqutigineqarami, qungujunnini assamminik takutinniarpaa. Apersuisup qungujulaarnarnersoq aperimmani najugaqartoq angerpoq.

Najugaqartup allap filmit nalinginnaasut nangeqattaartullu soqtigisarai, Danmarkimilu inuusianik filmilianik suliaqarnermik ilinniarusulluni. Apersuinissaq sioqqutitsiarlugu illoqarfimmiiissimavoq. Angunni immiaarartoqatigisimanerarpaa tamannalu nuanninerarlugu. Angunni ilagisimassagaa najugaqartorli imigassartortanngitsoq, sulisup kingorna oqaatigaa. Angutaali immiaaratortarpoq.

Najugaqartut pingajuat oqalunngilaq apeqqutilli sikisarluni ileqimisaarluniluunniit akisarlugit. Taassuma apeqqutit akinissaat ajornartorsiutigerpasinngilaa. Najugaqartup sammisanut assigiinngitsunut- soorlu pisuttuarnermut, nerisassiornermut, qalipaanermut assassornermullu peqataanissi nuannaraa. Nuannarisamik suliaqarnissap periarfissaagajunnera, najugaqartup oqaatigaa.

Najugaqartut sisamaata qitinnermik nuannarisaqarnini oqaluttuaraa:

Sulisoq: *Aamma qitigiartarputit.*

Najugaqartoq: *Qitigiartarpunga.*

Apersuisoq: *Sumut?*

Najugaqartoq: *Kromut (illarpoq).*

Sulisoq: *Diskotekimut, tallimanngornermi arfininngornermilu.*

Najugaqartoq: *Aap, yihaar...*

Apersuisoq: *Nuannissaqaaq. Maani najugaqarfimmi ilaanni qitittarpisi?*

Najugaqartoq: *Aap...yihaar, yihaar, yihaar (illarpoq)*

Ulloq unnuarlu najugaqarfissatut neqeroorummi ataatsimi, ikittunik aalajangersimasunilli, sammisassaqrpoq. Ulluinnarni ullaap tungaani najugaqartut marluk, najugaqartunut pingajuusup igalaakkut itsuartornerani, sapangaaqqerissapput. Ullup qeqqasioreernerup kingorna TV-kkut isiginnaagassanik isiginnaarfissanngortarpoq.

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

Nammineq aalajangersinnaaneq

Apersuinerni, suut nammineq aalajangeeqataaffigisarneraat najugaqartut aperineqarput. Tamakku suusinnaanerannut assersuusioritoqarpooq. Taakku ass. tassaasinjaapput sulerinissaq, sutornissaq, sunik atisinissaq assigisaallu. Ilaannikkut nakerivallaanngisaminut peqataasussaasarnersut, najugaqartut aamma aperineqarput.

Najugaqartut apersorneqartut tamarmik, ullut tamaasa suut atissanerlugit, nammineq aalajangertarpaat. Sammisanut suliassanullu tunngatillugu aalajangeeqataasarnertik amerlanerit oqaatigaat, najugaqartulli ulloq unnuarlu najugaqarfissatut neqeroorummi nerisat pillugit aalajangeeqataasartutut misiginersut allanngorarluni. Najugaqartut ataatsimiittartut, tassanilu nerisassanut siunnersuuteqarsinnaasartut, ilaasa oqaluttuaraat. Siornatigut nerisassat suut sassaalliuutanissaannut aalajangeeqataanissamut periarfissaqarsimanertik, maannali tamanna iluamik periarfissaajunnaarsimasoq, ilaasa misigaat. Ilaat aalajangiissinnaagunik peqataarusuppasinngillat.

Ulloq unnuarlu najugaqarfissatut neqeroorummi ataatsimi unnukkut sutugassat nerrivimmuit ilineqartinnagit, sutornissaq najugaqartunit ilisimaqquaanngilaq. Sulisut taamaaliortarput najugaqartut paatsiveeruteqqunagit eqqissisimaqqullugillu. Sutornissaq ilisimaneqareeraangat najugaqartut nererusuttanngitsut, sulisut oqaatigaat. Pingaartumik kalaalliminertorniarlutik najugaqartut paasereersimagunikku mamarinnginnerarsinnaasarpaa. Najugaqartut kalaalimerngit sassaalliuutigineqaraangata mamarisaraat, ulluinnarni aqutsisup nassuiarpaa.

Sammisanut suliassanullu nakerinngisaminut peqataanissamut apeqqummut, peqataasussaannginneq, najugaqartut amerlanerit akissutigaat. Najugaqartulli ataasiakkaat sulisut innersuussutaannut sammisassatullu siunnersuutaannut naaggaarsinnaannginnertik oqaatigaat. Najugaqartut paasinnissinnaassutsikkut timikkullu piginnaasaat apeqqutaagajussapput. Illumi suliassat soorlu torersaaneq, erruineq, eqqiaaneq nerisassiornerlu nakerivallaarnagit ilaat akipput, allalli ulloq unnuarlu najugaqarfissatut neqeroorummi illumin suliassanut peqataanissaq nuannaralugu akillutik. Najugaqartoq ataaseq qinnuugineqaraangami tamakku nakerisarnagit, aallartikkaangamili nuannarilersarlugit oqaluttuarpooq.

Nammineq aalajangiissinnaaneq pillugu apeqqummut atatillugu cigarettesnik pujortartarluni qanorlu pujortartaluni, najugaqartoq oqaluttuarpooq:

Apersuisoq: *Ulluinnarni suut illit nammineq aalajangeeqataaffigisarpigit?*
Najugaqartoq: *Sullivimmiinngikkaangama anillunga pujortariartortarpunga. Najugaqartut allat takussanngilaat. Sulisut nalunngilaat. Tassa tupa. Sodavandit puukui kimmivikofigisarpakka. Illup aappalaartup tunuanukartarpunga. Takkuttoqaleraangat toqqortarpara.*

Nipilersortartunik allanik ilaqrarusuttarluni, illoqarfimmilu nipilersortunik tusarnaarusuttarluni, tamannali ajornartoq, najugaqartoq ataaseq akivoq. Ornitassamik amigaateqarnini najugaqartup allap oqaatigaa.

Ulloq unnuarlu najugaqarfissatut neqeroorummi ataatsimi sulisut, najugaqartunut sammisaqarnissap pisariaqarneranik ilisimasanik amigaateqarpasippu. Sulisut najugaqartunik nuannarinnippasippu isumassugaralugillu, najugaqartulli nipangerlutik issianissaat annertuumik ukkanneqarpooq. Sammisassatut neqeroorutaasut tamarmik, issialluni sammisassaapput- soorlu assessorerit assigiinngitsut najugaqartullu immikkoorlutik tamakku sammisarpaat. Nerileraangamik TV-milu aallakaatitassianik isiginnaaleraangamik taamaallaat ataatsimoortarlutik. Sulisussaaleqineq, init aaqqisuunneqarnerat majuartarfiillu portusuut najugaqartut anisinjaanissaannut akornusiisut pissutaallutik, illup iluani issialluni sammisaqarnerup periarfissatuaanera, sulisut nassuaatigaat.

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

Oqaloqatissaqarneq

Apersuinerni najugaqartut tamarmik ulluinnarni oqaloqatissaqarnersut aperineqarput. Najugaqartut arlallit qanoq taanna akissallugu nalornivaat. Sulisut oqaluussinnaallugit najugaqatitilli oqaluussinnaanagit, arlallit akippus. Arlalialunnguit najugaqatiminnik oqaluussisinnaanerarput. Najugaqartup ataatsip, ataatan ikinngutini immiaarartoqatigalugit aalakoormat oqaloqatissaanngitsutut immikkut eqqaava. Najugaqartoq taanna najugaqarfissatut neqeroorummi sulisunik oqaloqateqarsinnaalluni isumaqarpooq. Najugaqartup ataatsip ilaqtuttani illoqarfimmut nuussimasut, aamma ulloq unnuarlu najugaqarfissatut neqeroorummi sulisut, oqaluuttarnerarpai.

Ineqarnikkut periarfissat

Nunatsinni ulloq unnuarlu najugaqarfissatut neqeroorutit assigiinngitsut illutaat pisoqaassutsimikkut assigiinngeqaat. Ilutsimikkut illullu iluisa aaqqissuuneqarnissaannut naatsorsuutigisat, ukiuni qulikkaani kingullerni najugaqarfiit assigiinngitsut sanaartorneqarfiini, allangorput. Taamaalilluni ulloq unnuarlu najugaqarfissatut neqeroortit ataasiakkaat, 2023-imni inissatigut periarfissatut naatsorsuutigisanik qanoq eqquutsitsinerat assigiinngeqaaq. Sanaartukkat nutaanerusut angisuunik ammasunik ataatsimoortarfearllutillu iggaveqarput, najugaqartullu namminneq inigisaat tiilorfiusinnaasunik/kaffiliorfiusinnaasunik igaffeeraqarput, perusuersarfeqarlutik uffarfearlutilu. Ulloq unnuarlu najugaqarfissatut neqeroorutit pisoqaanerusut ilaanni init ataatsimoorfiusartut annikinnerullutilu taarnerupput, najugaqartut inaat mikipput najugaqartullu arlallit ataatsimoorussaminnik uffarfearlutilu perusuersarfeqarput.

Illuutit periarfissallu pisoqaagaluit, nungullarsimagaluit ullutsinnullu naleqqukkunnaarsimagaluit imal. nutaajullutilu nutaalialageluit, inimi pequsersuinikkut pinnersaanikkullu alianaallisitsinissamut periarfissaqarpooq. Matumani aamma ulloq unnuarlu najugaqarfissatut neqeroorutit ataasiakkaat qanoq isikkoqarnerat assigiinngeqaaq. Ulloq unnuarlu najugaqarfissatut neqeroorutit ilaanni init ataatsimoortarfii najugaqartut assinginik ataatsimoorlunilu sammisaqarnernit assilisanik assilialersorneqarsimapput, najugaqartullu namminneq eqqumiitsuliaannik avatermiunillu ilioraavigineqarsimallutik. Tamanna inuunermik, illup ulluinnarni atorneqarneranik kimillu atorneqarneranik malunnarsisitsivoq.

Allani, taamaallaat assilisanik assigiaarlugit arlalippassuanngorlugit tunisassiaasartunik angisuunik, pinngortitamit assilisaagajuttunik, nivinngaasoqarsimavoq. Tamanna angerlarsimaffippalaartitsinani paaqqinniffippalaartitsineruvoq.

Ulloq unnuarlu najugaqarfissatut neqeroorutit amerlanersaat, sap ak. pisussanut skemat, ilisarnaatit, ukioq kaajallallugu pisartut assigisaallu najugaqartunit sulisunillu ulluinnarni, sap. akunnerani ukiorlu naallugu najugaqarfimmi pisussat malinnaavigineqarsinnaanngorlugit, ersitsumi nivingatinneqarput.

Najugaqartut inaannut tunngatillugu, alianaassuseq pisatsersornerlu malunnaatilimmik assigiinngissuteqarput. Ulloq unnuarlu najugaqarfissatut neqeroorutit ilaanni najugaqartut inigisaat tamarmik immikkut, inuttaasa namminneq pequsersorlugillu pinnersagaraat, taamaammallu kia inigineraa takuneqarsinnaalluni. Najugaqarfissatut neqeroorutini allani, inuttaasa namminneq inigisaminnut sunniuteqarnerat annikinnigikkuni suunngilaq. Najugaqartut inigisaasa pinnersarsimanerat inillu ataatsimoortarfii pinnersarsimanerat, tamatigut imminnut ataqtigittanngillat. Ulloq unnuarlu najugaqarfissatut neqeroorutit ilaanni pulaartuulluni, inini inuup nammineq pinnersaanissaata akurineqarsimanera, sulisuniilli najugaqartut ataasiakkaat tamatumunnga tapersorsornissaasa pingaartinneqannginna malunnarpooq. Tamanna najugaqartut nukissaqarnerusut imminnullu ikorsinnaanererusut kisimik nammineq pequsersorlugulu

pinnersakkamik inerqarnerannik, najugaqartulli allat pequteqanngingajattumik imaqanngingajattumillu namminneq ineqarnerannik kinguneqarpoq.

3 Attaveqatigiinnermut tunngasut

Najugaqartup sulisullu akornanni sunniivigeqatigiinneq

Ulloq unnuarlu najugaqarfissatut neqeroorutit amerlanersaanni sulisut najugaqartullu akornanni misigisaq iluarpoq kissalaarlunilu. Malittarinilluni misissuinermi, sulisut najugaqartut pisariaqartitaannut najugaqartullu assigiinngitsut attaveqarnissamut qanoq pisariaqartitsinerannik eqqumaffiginninnerat takuneqarsinnaavoq. Sulisut najugaqartullu akornanni sunniivigeqatigiinnermut assersuut, ullaap tungaani immikkoortortami najugaqartut amerlanersaasa sullivimmi nakkutigisami sulineranni pivoq. Angut inuuusuttoq ulloq taanna ulloq uunnuarlu najugaqarfissatut neqeroorummi angerlarsimasussaavoq, inini eqqiagassaammat inimut ataatsimoortarfimmut iserpoq:

Eqquiaasup suna tamaat eqqiarpaa. Sulisoq immuup sinneranik ullaakkorsiutinillu piaalluni torersaavoq. Tamatuma kingorna najugaqartoq peqatigalugu nalaasaarfimmi issiatsiarpoq youtube-imilu isiginnaarluni. Akornatigut illartarpoq isiginnaarutaalu tikkuarlugu susoqarnera oqaatigisarlugu: Aataanut ersinartumullu tunngasoq. Sulisoq alla – perorsaasoq – iserpoq nikorfatsiarlunilu. Sooq ersinarnersoq apeqqutigaa. Arlaata kiinarpaqarnera patsisaasoq ataatsimoorlutik isumaqatigiissutigaat. Perorsaasoq ingerlaqqippoq. Kinguninngua sulisup aappaa aamma ingerlavooq.

Perorsaasoq uterpoq pinnguassanerlutilu najugaqartoq aperaa. Tippimik qilerlugu qallersasiussinnaasaminik nassaarpoq. Kajumigivallaanngila. Suli qallersateqarluni najugaqarfissatut neqeroorummi oqarasuaat sianermat tiguaa. Oqaluussinini naammassimmat uterluni TV qameqqullugu najugaqartoq kajumissaarpaa. "Inigisat maanna eqqiliuilluinnarpoq, qaagit iserluta pinngualerpugut. Takutitassaqarpunga."

TV qameriarlugu najugaqartup assaa tigullugu inaata tungaanut aallarput. Sapiitsuliortartutut nipi torsuusamiit tusarsaavoq. Kinguninngua perorsaasoq guitarimik aallerluni uterpoq. Najugaqartoq erinarsorusuppoq.

Assersuut alla ilisimatusartup oqalutsillu apersuiartorlutik ulloq unnuarlu najugaqarfissatut neqeroorummut takkunneranni pivoq. Ippassaammat tassaniimmata najugaqartut nalunngereerpaat takkunissaallu ilisimallugu:

Ulloq unnuarlu najugaqarfissatut neqeroorummut apuukkatta, najugaqartoq inip ataatsimoorfiusartup silataani aneerasaartarfeeqqami nikorfalluni pujortarpoq. Nuannaarluni aalateriffigaatigut. Illup pingarnertut isaariaagut illuatungaaniittukkut iserniarluta usserarfigaarput. Kaffillerfigineqarpugut sulisullu pingasut najugaqartullu pingasut nalaasaarfinnut/ issivissuarnut neriveerartalinnut ataatsimoortunut ingeqatigaatigut. Nuannersumik oqalualuttoqarpoq illartoqartarlunilu. Najugaqartoq,

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

atsaannguummat silamiittooq nalinginnaasumik uffarnissani eqiagisarlugu ullumikkulli uffarusulluni oqaluttuarpoq. Sulisup toqqaannartumik oqaluullugu assaqqagullu sallaatsumik tagiartorusaarlugu, najugaqartoq oqaloqatigiinnermi peqataatippaa. Kaffisukkatta najugaqartumit ungasillillugu inissinnissaa najugaqartup allap maluginiaqqua. Taamaanngippat imissammagu, taassumalu kaffi sapermagu. Sulisup tamanna eqortuunerarpa.

Ulloq unnuarlu najugaqarfissatut neqeroorummi inunnut timimikkut annertuumik innarluutilinnut immikkoortortalimmi inimi isersimaartarfimmi sulisut marluk najugaqartunik pingasunik peqateqarlutik issiapput. Ini taanna igaffimmukartunit allaffimmukartuniillu aqquaartugaavoq:

Nalaasaarfiit marluk 90-gradinngorlugit inisisimapput saavanilu natermiippoq tummarfik skumgummimik sanaaq. Sulisoq ataaseq najugaqartumik nalaasaarfimmi issiaqateqarpoq, sulisullu aappaa najugaqartunik marlunniq ilaqaarluni tummarfimmi issiavoq. Najugaqartut arlaannaalluunniq oqalussinnaanngillat sulisulli oqaluutilaartuarpaat timikkullu attaveqarneq annertuvooq. Taamaalluni najugaqartut arlaat pisuutitut ittumut ikiorlugu qaqtinnejqarpoq. Taanna annikitsumik angallatigaa. Illuanik pinnguaq uumasutut isikkulerlugu annoraaminermik sanaaq tigumiarpaa. Pinnguani akornatigut nakkaasarpaa sulisullu qaillugu tunniuteqqittarpa. Ullup qeqqalermaat ini sulisunit assigiinngitsunit igaffimmukartunit allaffimmukartuniillu annertuumik angallaffiulerpoq. Najugaqartoq pisuummiittooq taakku aqqutissaanniippoq. Sulisut sanioqquuttut tamarmik unillutik najugaqartoq, isaai toqqarlugit isigalugit, oqaluuppaat, pinnguaa natermut nakkarpat qaqtarlugu imal. assaasigut tigummilaartarlugu. Nuannaarnerup pianik nipiliorluni qisuarlarpooq.

Assersuut alla ualikkut najugaqartut sullivimmi nakkutigisami sulereerlutik angerlarnerannit pisuupoq:

Ini ualigaa alianaappoq. Kikkut tamarmik piumagunik ullormut sullivimmeereernerup kingorna ingillutik aliannaarsaarniassammata, tiimik, kaffimik kissinillu nerrivimmut ilisisoqarpoq. Najugaqartut arfinillit sulisullu sisamat katersuupput. Sivitsunngitsoq najugaqartut marluk sulisorlu ataaseq nalaasaarfinnut marlunnut ingippu. Pingartumik najugaqartoq ataaseq sulisumut talivilluni issiarusuppoq. Najugaqartoq ataaseq ingerlavoq erniinnarli uteroq inuusamik aneerussivimmut ikisamik nassarluni. Sulisut marluk igaffimmut nerisassioriartorput. Sulisoq ataaseq allaqqaammut najugaqartumik ataatsimik kingornalu marlunniq nallukattaqateqalerpoq. Najugaqartut kingullersaat nerriviup killingani issiaannarluni nallukattartut isiginnaarpai. Najugaqartut sulisullu aliannaarsaarpasippu.

Ulloq unnuarlu najugaqarfissatut neqeroorummi ataatsimi immikkoortami ataatsimi najugaqartut sulisullu akornanni attaveqatigiinneq annikippoq:

Ilu nipaaqaaq radioli avanngasissumi tusaaneqarsinnaalluni. Sulisut marluk oqaloqatigiinngillat najugaqartunillu oqaloqateqaratik. Sulisulli igaffimmikinnerusut ilaatigut iserlutik najugaqartut issiaqatigisarpaat. Ersitumnik attaveqatigiinngillat.

Najugaqartut akornanni sunniivigeqatigiinneq

Apersuinerni najugaqartut ikittuinnaat najugaqatitik pillugit oqaaseqarput. Ataatsip najugaqatinilu ilaanni iniminnut pulaartarnertik oqaluttuaraa. Amerlanerit tamanna pillugu oqaaseqanngillat imal. najugaqatiminnt qanoq attaveqarnertik pillugu aperineqaraangamik qanoq akinissartik nalusarlugu.

Ulloq unnuarlu najugaqarfissatut neqeroorummi ataatsimi najugartut, piffissap ilarujussua imminnut attaveqartinneqanngimmata, imminnut immikkut attaveqarnissamut annikitsuararsuarmik periarfissaqarput

Paasiniaalluni misissuinerni, sulisut najugaqartut akornanni attaveqaataanerat ersarippoq. Sulisut taakkunerupput ataatsimoortitsisut aamma ulloq unnuarlu najugaqarfissatut neqeroorummi ataatsimoornissamut toqqammavissiisut. Najugaqartut ataasiakkaat najugaqatiminik attaveqarniartarput. Amerlanertigut timikkut attaveqarnikkut- soorlu sanileriilluni attorluni issianikkut imal. tasiornikkut.

Qanigisaasunut attaveqarneq

Najugaqartut tamarmik, qanigisamik ulloq unnuarlu najugaqarfissatut neqeroorummit qanoq attavigineqartarerat ilisimaneraat, namminnerlu qanigisaminntt attaveqarnersut aperineqarput. Ulloq unnuarlu najugaqarfissatut neqeroorummi sorlermiinneq apeqquatainnagu, najugaqartut qanigisaminntt attaveqarnerat annertuumik assigiinngissuteqarpoq. Illoqarfeqatigiit tunngatillugu najugaqartut qanigisaasullu akornanni attaveqatigiinneq nalinginnaasumik annertuneruvoq, kisiannili najugaqartuni qanigisaasunilu illoqarfeqatigiinngitsuni, attaveqarnermut tunngatillugu annertunerusumik annikinnerusumillu immikkooruteqartoqportaaq.

Ulloq unnuarlu najugaqarfissatut neqeroorutit amerlanersaanni, sulisut najugaqartunut sap. akunnikkaarlugit qanigisaminntt oqarasuaatikkut attaveqarnissaannut ikiunnissaannik, tamannalu iluatsillugu ilisimatitsissutissanik naapertuutnik paarlasseqatigiissinnaanissamik aaqqissuussisoqarsimavoq. Najugaqartut ilaat piumallaengamik oqarasuaatiminniit angallattakkamit qanigisaminntt namminneq sianertarput. Taamaalillutik najugaqartut ilaat ullut tamasa qanigisaminntt attaveqarput.

Najugaqartut ilaat aporsorneqarnerminni ilaatigut qanigisaminntt pulaartarlutik oqaluttuarput. Inatsit naapertorlugu najugaqartut 18-iliisimanngitsut ukiumut marloriarlutik qanigisaminntt feeriarsinnaapput, najugaqartullu 18-ileereersimasut najukkaminntt ukiumut ataasiarlutik feeriarsinnaatitaallutik (Inatsisartut inatsisaat nr. 13, 12. juni 2019-imeersoq, § 54)

Najugaqartut ilaqputtaaq aporsorneqarnerminni pilersaarutaanngikkaluamik ilaqtuttaminntt tikeraarnissamik kissaateqartunik. Tamatumunnga assersuutissaavoq najugaqartoq qatanngummi angajulliunerusup angutip inuuiani illoqarfigisimasaminut tikeraarusuttoq:

Najugaqartoq: *Qatanngutiga angut illoqarfimmiettoq (illoqarfiup aqqa, red.).*

Qatanngutiga attavigissavaat. Illoqarfimmieq (illoqarfiup aqqa, red.).

Sulisoq: *Qatanngutaa angut qaammatip tulliata ulluisa qulinganni inuuissiussaaq.*

Najugaqartoq: *Aap, qatanngutiga angut uannit angajulleq inuuissiussaaq. Aap (suu), taava maanngaanniit Nuummut, Sømandshjem. Sømandshjem, maangalu.*

Namminneq ulloq unnuarlu najugaqarfissatut neqeroorummi sulisumik ikiorteqarlutik taamaallaat piffissani isumaqatigiissutaasuni ilaqtuttaminntt attaveqartarnertik, najugaqartut arlallit

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

oqaluttuaraat. Attaveqarnerunissaq kissaatigaat. Najugaqartut ataasiakkaat najugaqartunit sulisuniillu iliuuseqarnerinnaanngitsumik, qanigisaminnit piffissani allani aamma sianerfigineqartarpuit,

Najugaqartut ilaat, allanut sanilliullugit, ilaqtaminnut amerlanerusunut attaveqarput. Tamatumunnga assersuutissat ilagaat najugaqartoq illoqarfimmi allami ilaqtaminut tikeraarnissamik aamma ulloq unnuarlu najugaqarfissatut neqeroorummi najugaqarfimminut tikeraarneqarnissaminiq oqaluttuartoq:

Najugaqartoq: *Ilaqtannut qanigisannullu attaveqarpunga. Feierlunga ilaqtakkatikeraarnialeraangakkit, ilagisinnaagikka oqartuaannarput. Anaanaga immiaarartoraangat tikeraarsinnaasangilara. Arnassarali ataatassaralu tikeraarusuttarpakka ilagerusuttarlugillu.*

Perorsaasoq: *Taakku tassaapput ilaqtariittut najugaqarfigalugit paarsisorisimasai.*

Najugaqartoq: *Pingasunngornikkut anaanaga oqarasuaatikkut oqaluuttarpara.*

Oqaluuttuaannarpara. Sulisut aamma oqaluuttarpaat.

Apersuisoq: *Maani illoqarfimmi tikeraarneqarnikuuit?*

Najugaqartoq: *Qatanngutiga angut uannit angajulleq apersortikkama poorskimalu*

illuaqqami feeriarama maaniinnikuovoq. Maani feerierneranik

ilisimatinneqanngilanga. Naluara. Ullorli naallugu ilagaara.

Najugaqartunik ulloq unnuarlu najugaqarfissatut neqeroorummi immikkut tikeraarneqartartunik soqannginngajappoq. Najugaqartut ilaat illoqarfisisami ilaqtqaqtut pulaarnissamut periarfissaqarajupput:

Apersuisoq: *Ilaqtatit oqaluukkajuppigit?*

Najugaqartoq: *Aap. Unnuit tamaasa*

Apersuisoq: *Ilaqtatit maani illoqarfimmi najugaqarpat imal. ungasissumiippat?*

Najugaqartoq: *Maaniipput*

Apersuisoq: *Takukulavigit?*

Najugaqartoq: *Aap*

Apersuisoq: *Maanga pulaartarpaatsit?*

Najugaqartoq: *Naamik. Pulaarnialeraangakkit attavigisarpakka*

Najugaqartoq ataaseq ukiumut arlaleriarluni ataataminut nunaqarfimmi qanittumiittumut feeriartartoq, illoqarfimmi najukkamini ilaqtaminut aamma attaveqarpoq:

Apersuisoq: *Maani illoqarfimmi pulaagaqartarpit?*

Najugaqartoq: *(niviarsiaqqap aqqa oqaatigaa)*

Sulisoq: *Ikinngutitit pulaartarpait.*

Najugaqartoq: *Aap, pulaartarpunga, Aap. (niviarsiaqqap siuliani taasami aqqa niviarsiaqqallu allap aqqa oqaatigai).*

Sulisoq: *Illooqqani arnaq pulaartarpaa.*

Apersuisoq: *Pulaarusutaqaleraangavit orniinnartarpigit?*

Najugaqartoq: *Aap. (niviarsiaqqat pingajuata aqqa taavaa nuannaarnerullu pianik nillerluni). Kaffisorlungalu tiitortarpunga (niviarsiaqqap aqqa taaqqippaa).*

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT
NAJUGAQARTUT ISAANNIT ISIGALUGIT

Siornatigut illoqarfimmi ilaqtutami akulikitsunik tukkusarsimanini, najugaqartup ataatsip oqaluttuaraa:

Najugaqartoq: *Anaanaga qatanngutigalu angut uannit angajulleq maani illoqarfimmi najugaqarput*

Apersuisoq: *Pulaakulavaatsit?*

Najugaqartoq: *Uanga pulaartarpakka. Anaaanni tukkusarpunga, tamannali unitsinneqarpoq.*

4 Pissutsit kinguaassiuutitigut pissusilersornermut kinguaassiuutitigullu pisinnaatitaaffinnut tunngasut

Najugaqartut apersorneqartut ilaasa kinguaassiuutitigut pissusilersornerup oqaluuserinissaa ajornakusoortippaat imal. nakerinngilaat. Apersuinerup tamatumunnga tunngasortaata najugaqartup piumasaanik qanoq unitsinneqarsinnaaneranut assersuut tassaavoq apersuineq, ulloq unnuarlu najugaqarfissatut neqeroorummi, sulisut najugaqartunut kinguaassiuutitigut pissusilersornermik oqaluuserinnittannginnerartuni ingerlanneqartoq. Najugaqartoq taanna sammisat allat pillugit apeqqtigineqartut akerusuppa. Najugaqartup sulisoq aalajangersimasoq aqqatigut taallugu aqaguani takkuppat oqaluusererusullugu unnerpoq. Oqaatigineqareermat najugaqartup naammaqaamik oqarluni oqaloqatigiinneq unitsippaa.

Nammineq timimut tunngatillugu pisinnaatitaffiit killissallu pillugit ilisimasat Nammineq allallu timimikkut qanoq iliuuseqarsinnaanerannut maleruagassaqarnera ilisimaneraat, najugaqartut aperineqarput. Najugaqartut ilaannaasa taanna akisinnaavaat. Najugaqartup ataatsip atoqatigiinneq pillugu sulisunik oqaloqateqartannginnin, suut inerteqquaannginnerat suullu inerteqquaanerat pillugit maleruagassaqarnersoq ilisimanngikkini oqaatigaa. Taassuma kissaatigingisamik pisoqarpat qanoq naaggaarnissaq ilisimanngilaattaaq, taassumali iluarinngisamik attuuaneqarneq misilissimanngisaannarpaa. Najugaqartup, allanik iluarinngisaminnik attuuaneqartunik takusaqarsimalluni oqaatigaa, najugaqartulli unitsinneqarnersoq ilisimanngilaa. Najugaqartup allap maleruagassaqartoq nalunngilaa, iluarinngisamilli misigisaqassagaanni qanoq killiliinissaq akiuminaatsillugu. Najugaqartoq taanna atoqatigiinneq pillugu oqaloqateqartarani oqaluusererusunngikkinilu oqarportaaq.

Najugaqartut apersorneqartut ilaasa, qanoq killiliinissartik malugisinnaalluarpaat. Najugaqartup ataatsip maleruagassaqarnersoq ilisimanngilaa, taassumali pisariaqassappat qanoq killiliinissani naaggaarnissanilu nalunngilaa. Najugaqartup allap "Naaggaarluni" qanoq killiliinissaq ersarissumik oqaatigaa.

Najugaqartoq ataaseq timimut atatillugu maleruagassanut pisinnaatitaaffinnullu tunngasunik aperineqarami sulisunut innersuussivoq:

Apersuisoq: *Iilit nammineq timit pillugu pisinnaatitaaffitit ilisimavigit? Allat illit timinnut qanoq iliorsinnaanerat qanorlu iliorsinnaannginnerat.*

Najugaqartoq: *Naluara.*

Apersuisoq: *Qanoq immissinnut attorsinnaanersi pillugu maani maleruagassaqarnersoq nalunngiliuk?*

Najugaqartoq: *Sulisut maleruagassanik ilisimanninnerupput.*

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT
NAJUGAQARTUT ISAANNIT ISIGALUGIT

Najugaqartoq ataaseq ulloq unnuarlu najugaqarfissatut neqeroorummi suut oqaluuserineqartarnerat pillugu eqqaasinneqarnissamut perorsaasumit najuuttumit ikiorneqarpoq:

Apersuisoq: *Allat timinnut qanoq iliuuseqarsinnaanerat iliuuseqarsinnaannginnerallu nalunngiliuk? Attorsinnaaneraatsit?*

Najugaqartoq:...

Apersuisoq: *Naluiuk?*

Perorsaasoq: *Nalunngilaa. Ilisimatinneqarnikuuvvoq.*

Apersuisoq: *ilaatigut- ass. soorlu atoqatigiinnermut tunngasut pillugit sulisunik oqaloqateqartarnikuuuit?*

Najugaqartoq: *Naamik*

Perorsaasoq: *Allaqqammut soqutiginnilerami. Kisianni suli naamik.*

Najugaqartoq: *Massakkuunngitsoq.*

Apersuisoq: *Maani qanoq immissinnut attorsinnaanissinnut maleruagassaqarnersoq ilisimaviuk?*

Najugaqartoq: *Naamik.*

Perorsaasoq: *Uku eqqaamanngiligit? (titartagaq tikkarpaa)*

Najugaqartoq: *Takunikuvara taamaaliortanngilangali.*

Apersuisoq: *Titartagaateqarpusi takutitsisumik?*

Najugaqartoq: *Titartagaateqarpugut.*

Apersuisoq: *Qanoq isikkoqarpa? Inuk titartarneqarsimava taavalu sukkut attuisoqarsinaanera sukkullu attuisoqarsinnaannginnera takuneqarsinnaalluni?*

Najugaqartoq: *Aap. Allagarsiivimmi titartagaqarpoq.*

Apersuisoq: *Nuannarinngisannik attuuaneqarnikuuit?*

Najugaqartoq: *Aap.*

Apersuisoq: *Taava oqarsinnaasimavit ima: 'Naamik, tamaaliornanga'?*

Najugaqartoq: *Aap.*

Apersuisoq: *Naamerterit ataqqineqartoq misigaajuk? Tamaaliortoq taamaatippa?*

Najugaqartoq: *Aap*

Apersuisoq: *Allat iluarerpasinngisaminnik attuuaneqartut takunikuuigit?*

Najugaqartoq: *Naamik*

Najugaqartut apersorneqartut amerlanersaasa atoqatigiinneq, nammieq timimut pisinnaatitaaffeqarneq killissallu oqaluuserissallugit ajornakusoortikkaat, ataasiakkaat ajornartorsiutigivallaanngilaat. Najugaqartoq atoqatigiinneq pillugu oqaluuserinnikkumasoq aammali sulisumit najuuttumit ikiorneqartoq assersutissaavoq:

Apersuisoq: *Apeqqutit tullii timimut, atoqatigiinnermut taamaaqataannullu tunngassuteqarput. Allat timinnut qanoq iliorsinnaanerannut iliorsinnaannginnerannullu tunngatillugu pisinnaatitaaffitit ilisimavigit?*

Najugaqartoq: *Atoqateqassagutta usuup puuanik atuinissarput pillugu oqaloqatigiittarpugut.*

Apersuisoq: *Arlaat piumanngikkukku naaggaarsinnaanerit ilisimaviuk?*

Najugaqartoq: *Aap*

Apersuisoq: *Allat qanoq naagaartarnerat nalunngiliuk?*

Najugaqartoq: *Oqartoqarneq ajorpoq*

Apersuisoq: *Qanoq attuuannissinnaaneq pillugu malittarisassaqarnersoq*

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

nalunngiliuk?

Perorsaasoq: Qamanimaa susoqaqqusaanngila? Atoqatigiinnerusinnaavoq *imal... qanoq attorneqarnissannik killilisinnaavit?*

Apersuisoq: *Nuannarinngisannik attuaneqarnikuuit?*

Najugaqartoq: *Naamik*

Apersuisoq: *Allat iluarerpasinngisaminnik attuuaneqartut takunikuuigit*

Najugaqartoq: *Naamik*

Najugaqartup ataatsip killiliisinnaanersuni iluaagisaminillu attuuaneqarsimanersoq aperineqarnermini, najugaqammit sakkortuumik tiguneqarsimanini eqqaavaa:

Apersuisoq: *Iluarinngisannik timikkut attuaaneqarnikuuit?*

Sulisoq: Ass. *Iluarinngisannik matuma missaagut attuaaneqarnikuuit?*

Najugaqartoq: ...

Sulisoq: *Najugaqataata taavai najugallip najugaqartut ajortumik pisarpai, ataasiarlunilu taamaaliornini puigunngilaa.*

Najugaqartoq: *Aap. (paffimmigut tiguneqarsimanini takutippaa).*

Apersuisoq: *Sakkortuumik tiguaatit?*

Najugaqartoq: *Aap.*

Apersuisoq: *Naaggagarerit inunnit allanit ataqqineqartartutut misigaajuk? Ass. arlata attorpatit iluarinagulu naagaaruit ataqqineqartarpit?*

Sulisoq: Ass. *Sulisut maaniimmat unitsippaat (najugaqatigisaq siuliani eqqaaneqartoq)?*

Najugaqartoq: *Aap.*

Apersuisoq: *Sulisut iluarinngisannik pisoqaraangat ikiortarpaatsit?*

Najugaqartoq: *Aap.*

Apersuisoq: *Kinguaassiuutitigut iliuuserisat iluarinartutut misinnanngitsut misiginikuuigit?*

Najugaqartoq: *Naamik.*

Najugaqartut pisariaqartitatik pillugit qanoq oqarpat?

Najugaqartut amerlanersaasa apersuinerup ingerlanerani kinguaassiuutitigut pisariaqartitsinertik oqaluuserinngilaat, taakkunanngalu amerlanerit oqaatigineqareersutut atoqatigiinnerup kinguaassiuutitigullu pissusilersornerup oqaluuserinissaat nakerivallaanngilaattaaq. Apersuinerli najugaqartut ilaasa pisariaqartitanik oqaaluuserisanngisaminnik oqaatiginninnissaannut periarfissiisoq paasinarsivoq. Najugaqartup apersuineq naammassimmat annertunerusumik oqaaseqarumanera, tamatumunnga assersuutissaavoq. Najugaqartoq inuusamik (sexdukke) perusukkaluarpoq qanorli iliornissani nalullugu:

Apersuisoq: *Allanik apeqqutissaqanngilanga. Allanik oqaluttuarusuppit?*

Najugaqartoq: *Pullattakkamik inuusartaarusuppunga, sumili pissarsiarissanerlugu nalullugu*

Apersuisoq: *Taamaattumik inuusartaarusunnerit pillugu sulisut oqaloqatigisinnavaigit?*

Najugaqartoq: *Naluara qanoq ilillugu pissarsiarineqarsinnaasoq, taamaattumilli pissarserusuppunga.*

Perorsaasoq: *Aatsaat maanna eqqarsaatit oqaasinngortippat. Maanna*

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

*ilisimaleratsigu ingerlateqqissinnaanngorparput. Sulisut allatulli ikiorsinnaavaatsit.
Ikiorneqassaatit.*

Najugaqartoq alla atoqateqartarusuppoq:

Najugaqartoq: *Ilaatigut perusuttarpunga. Misilikkusuppara, peqatissaqarnangali.
Pulaagassaqanngilanga (atoqateqarniarlunga, red.).*

Najugaqartup ataatsip usuup puuinik ulloq unnuarlu najugaqarfissatut neqeroorummi napparsimmavimmilu pissarsisinnaanini oqaluttuaraa:

Apersuisoq: *Atoqatigiinneq pillugu – ass. sulisunik oqaloqateqarnikuuit?*
Najugaqartoq: *Naamik. Usuup puuinik tunissarpaatigut.*
Apersuisoq: *Usuup puuinik atuissaguit qinnutigeqqaassavigit imal. arlaanniit tigusiinnarsinnaavit?*
Najugaqartoq: *Akeqanngimmata napparsimmavimmait aallertarpunga.*

Innarlerneqarnertut misigisat

Najugaqartoq ataaseq siornatigut innarligaasimavoq. Apeqquitsinnut akissutitut saqqumminngilaq pineqartulli tamatuma kinguninngua oqaluttuaraa:

Apersuisoq: *Iluarinngisannik timikkut attuuatinnikuuit?*
Najugaqartoq: *Naamik*
Apersuisoq: *Qanoq naaggaarnissat nalunngiliuk?*
Najugaqartoq: *Aap*
Apersuisoq: *Naagaaruit ataqqineqassava?*
Najugaqartoq: *Aap*
Apersuisoq: *Allanik apeqquitsaqanngilanga. Qujanaq apersorsinnaagakkit.*
Arlaannik oqaluttuarusuppit?
Najugaqartoq: *Uffaraangama sulisunik arnamik ikiorteqarusuttarpunga.*
Apersuisoq: *Tamatigut taamaattoqarsinnaasarpa?*
Najugaqartoq: *Aap.*
Apersuisoq: *Maani najugaqernerit nuannaraajuk?*
Najugaqartoq: *Aap*
Apersuisoq: *Ajunngila?*
Najugaqartoq: *Aap. Kisianni Aasianni pisoqarnikuuvvoq.*
Apersuisoq: *Maaniinneq iluarnerua?*
Najugaqartoq: *Aap.*
Perorsaasoq: *Najugaqartoq utersaartoortarpoq. Ikiorniartarpara.*

Allat innarlerneqarsimasinnaanerannik misigisat

Allanik attualaarneqartunik taamaaliorneqarnerminnillu iluarinnippasinngitsunik takusaqarsimanersut, najugaqartut tamarmik aperineqarput. Najugaqartut amerlanersaat taama misigisaqarsimannginnerarput. Ataasiakkaat takusaqarsimanerlutik ilisimanngilaat. Ikittut takusaqarsimanerarput annertunerusumilli oqaatigisinnaannginnerarlugu. Ulloq unnuarlu

INUNNUT INNARLUUTILINNUT ULLOQ UNNUARLU NAJUGAQARFISSATUT NEQEROORUTIT NAJUGAQARTUT ISAANNIT ISIGALUGIT

najugaqarfissatut neqeroorutini assigiinnitsuni najugaqartut; najugaqartup sulisullu akornanni kinguaassiuutitigut iliuuserisanik takunnissimanermut apeqqummut marluk angerput.² Apersuinerni taakkunani marlunni, najugaqartup apeqqutit tamaasa iluamik paasilluarpasinngilai, apersuinerillu taakku marluk, apersorneqartup apeqqutigineqartoq pinnagu allanik oqaluuserinnikkajunneranit sunnerneqarput.

² Annertunerusumik misissuiffingeqassanersoq naliliisoqarsinnaanngorlugu Naalakkersuisoqarfik ilisimatinneqarpoq.

Innersuussutit

- **Najugaqartut oqartussaaqataanerat**

Namminersorlutik Oqartussat nalunaarutaanni nr. 49-imi, 31. august 2021-imeersumi § 40 naapertorlugu najugaqartut oqartussaaqataanerat nakkutigineqassaaq. Ukkassassap tamatuma ulloq unnuarlu najugaqarfissatut neqeroorutip nalunaarusiaani ersarinnerulersinneqarnissa siunnersuutigaarput.

- **Sammisat**

Ulloq unnuarlu najugaqarfissatut neqeroorutini assigiinngitsuni sammisaqartitsisarneq assigiinngeqaaq. Sammisat aalajangersimasumik nakkutillinerni ilangngunneqarnissaat siunnersuutigaarput. Ulloq unnuarlu najugaqarfissatut neqeroorutit ilaat najugaqartunut sammisassanut isumalinnut toqqammavissiillaqqissuupput, najugaqartumullu pisinnaasumut ulloq unnuarlu najugaqarfissatut neqeroorutip avataani nammineq aamma sammisaqarnissamut tapersersuillutik. Misilittakkanik paarlasseqatigiinneq sammisassanik assigiinngitsunik ulloq unnuarlu najugaqarfissatut neqeroorutini tamani sulisut isumassarsiorfigisinnaasaannik suliaqarnissaq isumassarsiatsialasinnaavoq. Ulloq unnuarlu najugaqarfissatut neqeroorutit ilaanni sulisussaaleqineq sivisuumik sammisassaqartitserpiarsimannnginnermut tunngavilersuutaavoq. Sulisussanik pissarsisinnaannginnej, ulloq unnuarlu najugaqarfissatut neqeroorutini sammisassatut neqeroorutinut sivisuumik sunniuteqartariaqanngilaq

- **Kinguaassiuutitigut pissusilersoneq, kinguaassiuutitigut pisinnaatitaaffiit kinguaassiuutinullu tunngasunik ilitsersuineq**

qanoq- qanorlu annertutigisumik najugaqartup atoqatigiinneq pillugu sulisunik oqaloqateqarusunnerata oqaloqateqarnissamillu pisariaqartitsinerata annertuumik assigiinngissuteqarnerat, aammali tamatuma najugaqartumut oqaluuserinissaanut sulisut iluarinninnerat annertuumik assigiinngissuteqartoq, misissuinerup takutippaa. Misissuinermi najugaqartut ilaasa, kinguaassiuutinut tunngatillugu pisariaqartitsineq kissaateqarnerlu sulisunut oqaatigisimannngisatik, oqaatigaat. Nuna tamakkerlugu inunnut innarluutilinnut ulloq unnuarlu najugaqarfissatut neqeroorutini najugaqartunut saaffiginnittumik kinguaassiuutitigut pissusilersoneq kinguaassiuutitigullu pisinnaatitaaffiit pillugit najoqqutassiorqarnissa siunnersuutigaarput. Kinguaassiuutinut tunngasunik ilitsersuinerup najugaqarfissatut neqeroorutit ilaanni ingerlanneqartup ilaa, najugaqartut, sulisut allallu imminnut qanoq pinnginnissaannut tunngassuteqarpoq. Pingaaruteqarpoq, kisiannili aamma suut akuerineqarnerisa najugaqartunillu kinguaassiuutitigut pissusilersonermut tunngatillugu pitsaasumik siunnersuinissap ukkanneqarnerunissaat siunnersuutigaarput. Kinguaassiuutitigut pissusilersoneq pisinnaatitaaffiillu sulisunit oqaluuserineqartuarpata, tamakkulu isumaginninnermi perorsaanermilu ilinniartitaanerni ukkanneqarnerulerpata, sulisut amerlanerit tamatuminnga suliaqarnissamut piginnaaneqarnerulissapput.

Najoqqutarisat

- Arnfjord, S., Jonsson, A. I. H., & Daverkosen, D. (2020). *HOLDNINGER TIL HANDICAP 2020 - En undersøgelse af befolkningens holdninger til personer med handicap i samfundet og på arbejdsmarkedet.*
- Australian Health Ministers' Advisory Council. (2017). *Aboriginal and Torres Strait Islander Health Performance Framework*.
- Cunningham, M., & Sena, P. K. (2013). *Study on the situation of indigenous persons with disabilities, with a particular focus on challenges faced with regard to the full enjoyment of human rights and inclusion in development.*
- Frandsen, M. G. (2022). *CIVILSAMFUND, INDDRAGELSE OG HANDICAPPOLITIK I GRØNLAND.*
- Gjertsen, H. (2019). Mental health among Sami people with intellectual disabilities. *International Journal of Circumpolar Health*, 78.
- Handicap. Status. (2012).
- Knigge, M., & Grønbæk, J. S. (2008). *Forvist til forsorg: Grønlændere med handicap nedsendt til Danmark.*
- Niik. (2018). *VEDTÆGT for Nunatsinni Inuit Innarluutillit Kattuffiat*. [www.niik.gl](https://www.niik.gl/om-niik/Vedtaegter). Retrieved 11-07-23 from <https://www.niik.gl/om-niik/Vedtaegter>
- Naalakkersuisut. (2021). *Døgninstitutionernes årsberetning 2020.*
- Naalakkersuisut. (2022). *Redegørelse for Grønlands efterlevelse af FN's Konvention om Rettigheder for Personer med Handicap.*
- Naalakkersuisut. (2023). *Døgninstitutionernes og Døgntilbuddenes Årsberetning 2022.*
- Naalakkersuisut. (2020). *PERSONER MED VIDTGÅENDE HANDICAP. STATISTISK OPGØRELSE OVER PERSONER MED VIDTGÅENDE HANDICAP.*
- Tilioq. (2019). *TILIOQ AALLAANNAQAAQ KOMMUNE KUJALLERMUT ANGALANERMIK NALUNAARUT 2019. TILIOQ SØSÆTTER KAJAKKEN REJSERAPPORT KOMMUNE KUJALLEQ 2019.*
- United Nations. (2012). *Report of the Office of the United Nations High Commissioner for Human Rights. Thematic study on the issue of violence against women and girls and disability.*
- United States Census Bureau. (2010). *The disability employment tabulation 2008-2010.* <https://www2.census.gov/programs-surveys/demo/guidance/disability-employment-tabulation/disabilityemploymenttabulation2008-2010web-rev2013apr26.pdf>